

0724 Преставление святых блаженных и равноапостольных Ольги, княгини Российской, во святом Крещении нареченных Елены

НА ВЕЛИЦЕЙ ВЕЧЕРНИ

НА ГОСПОДИ, ВОЗЗАХ: СТИХИРЫ НА 8, ГЛАС 4:

Подобен: Яко дѡбля:

Яко солнце, возсия нам/ преславная память твоя, Ольго Богомудрая,/ матери князей Россійских,/ Христова мизиница,¹ апостольским учением воспитана,/ возмогла еси на кумиры,/ паче же на диавола,/ силою Святаго Духа просвещаемая,/ от тьмы неразумия всю страну и люди/ к Богу привела еси, // Егоже моли о творящих твою память.

В разуме духовном,/ имже посрамила еси врага, прельстившаго Еву,/ и сего оружие сломила еси,/ богосажденный рай церковный создала еси,/ в немже древо животное, Крест, водрузила еси,/ и трапезу Божия брашна² имущи,/ источник неисчерпаемый крове Христовы,/ егоже пивши, нетленна пребываеши, // за вся ны молящися присно.

Духовно возвеселитесь, россиястии концы,/ память чтуща Ольги Богомудрой:/ молится бо выну ко Христу/ с чудотворцами и мучениками,/ помощницу имущи Святую Богородицу,/ избавитесь от бед и печалей/ верою поющим ю// и кланяющимся раце нетленного ея тела.

Приидите, христоименитии людие россиястии,/ возвеличим во хвалениих праматерь нашу,/ велию мудрость и мужество показавшую,/ славу мира презревшую/ и Христа Бога истиннаго паче всех возлюбившую,/ и тако к ней воззовем:/ о преславная угоднице Христова,/ моли о людех россияских,/ да ни коими козньми вражиими/ от правая веры отвратятся// и в благочестии непоколебими да пребудут.

¹ мизиница – младшая дочь

² Брашна – учение: Иже купно со мною наслаждался еси брашен (Пс.54:15). Под «брашнами» можно разуметь учение, содержащееся в проповеди, которым питались души верующих

«Слава» – глас 6:

Приидите, роди росси́йстии, / песньми восхвалим Ольгу премудрую, / приидите, разумом богаты́иися, / разум свой в послушание ве́ры / приводити от нея научи́тесе, / приидите, мужие, честь жене преславней возда́йте, / приидите, жены, мужеству ея великому подража́йте, / приидите, влада́щи, и уразуме́йте / вся земная превосходя́щую славу нетле́нную, / приидите, вси вну́цы ея, / и в день ея светло восторжеству́йте, / молитсе бо тепле ко Го́споду, // еже просветити ду́ши наша.

«И ныне» – Богородичен:

Кто Тебе не ублажит, Пресвятая Де́во; / кто ли не воспет Твоего Пречи́стаго Рожде́ства; / безлетно бо от Отца Возсия́вый Сын Единоро́дный, / Тойже от Тебе, Чистыя, про́йде, / неизреченно вопло́щся: / естеством Бо́г сый, / и естеством быв Человек нас ра́ди, / не во двою лицу разделя́емый, / но во двою естеству неслитно познава́емый. / Того моли, Чистая, Всеблаженная, // поми́ловатися душам нашим.

Вход. Прокі́мен дне и чтéния три.

Судий Изра́илевых чтéние (главы 4; 5, 1–12): И приложи́ша сынове изра́илевы сотвори́ти зло́е пред Го́сподем, и Аод у́мре. / И отдаде́ их Го́сподь в ру́ку Иави́на, ца́ря Ханаа́нска, / иже ца́рствова во Асо́ре. / И воево́да си́лы его́ Сиса́ра, / и той живя́ше во Арисо́фе языков. / И возопи́ша сынове изра́илевы ко Го́споду, / яко де́вять сот колесни́ц желе́зных бы́ше ему́ / и той озло́би Изра́иля zeló лет два́дцать. / И Девво́ра, жена́ Лафидо́фова, / сия́ судя́ше Изра́илю в то вре́мя / и сия́ живя́ше под фи́ником Девво́ра между́ Ра́мою и между́ Вефи́лем, в горе́ Ефре́мли, / и восхожда́ху сынове изра́илевы к ней та́мо на суд. / И посла́ Девво́ра и призва́ Вара́ка, сына́ Авине́емля, / из Кедеса́ Неффали́мова и рече́ к нему́: / не запове́да ли тебе́ Го́сподь, Бог Изра́илев, / и пойдеши в го́ру Фаво́р / и пойма́ши с собо́ю де́сять ты́сяч муже́й от сынов Неффали́млях / и от сынов Завуло́ными, / и приве́дет к тебе́ в водоте́чь Кисо́нь Сиса́ра, воево́ду си́лы Иави́ни, / и колесни́цы его́, и мно́жество вой его́ / и преда́м его́ в ру́ку твою́. / И рече́ к ней Вара́к: / а́ще пойдеши со мно́ю, пойду́, / и а́ще не пойдеши со мно́ю, не пойду́, / яко, не вем дне, в о́нже благоустро́ит Го́сподь Ангела со мно́ю. / И рече́ Девво́ра к нему́: / иду́щи пойду́ с тобо́ю, / оба́че веждь, яко не бу́дет тебе́ слава на пу́ти, / в о́нже ты́ идеши, / поне́же в ру́ку же́нску преда́ст Го́сподь Сиса́ру. / И воста́ Девво́ра и по́йде с Вара́ком до Кадиса́. / И воззва́ Вара́к Завуло́на и Неффали́ма до Кадиса́, / и поидо́ша вслед его́ де́сять ты́сяч муже́й, и и́де с ним Девво́ра. / И Хаве́р Кине́й отлучи́ся от Ке́ны и от сынов Ио́вава, у́жика Моисе́ова, / и потче́ ку́щу свою́ под дубо́м почи́вающих, / иже е́сть при Кедесе́. / И возвести́ша Сиса́ре, / яко взы́де Вара́к, сын Авине́емль, на го́ру Фаво́р. / И созва́ Сиса́ра вся колесни́цы своя́, де́вять сот колесни́ц желе́зных, / и вся лю́ди, иже с ним, / от Арисо́фа языков в водоте́чь Кисо́нь. / И рече́ Девво́ра к Вара́ку: / востани́, яко сей́ день, в о́нже преда́де Го́сподь Сиса́ру в ру́ку твою́, / зане́ Го́сподь изы́дет пред тобо́ю. / И сни́де Вара́к с горы́ Фаво́р / и де́сять ты́сяч муже́й вслед его́. / И сотре́ Го́сподь Сиса́ру и вся колесни́цы его́ / и весь полк его́ остри́ем меча́ пред Вара́ком. / И сни́де Сиса́ра с колесни́цы свое́я / и побеже́ нога́ми сво́ими. / И Вара́к гоня́й вслед колесни́ц его́ и вслед полка́, / да́же до дубра́вы языков. / И паде́ весь полк Сиса́рин остри́ем меча́, / не оста́ся ни еди́н. / И Сиса́ра убе́же нога́ми сво́ими в ку́щу Иаи́ли, жены́ Хаве́ра Кине́ева, / яко мир бы́ше между́ Иави́ном, ца́рем Асо́рским, / и между́ до́мом Хаве́ра Кине́ева. / И изы́де Иаи́ль во срéтение Сиса́ре и рече́ к нему́: / уклони́ся, господи́не мой, уклони́ся ко мне, не бойся́. / И уклони́ся к ней в ку́щу, и покры́ его́ оде́ждою свое́ю. / И рече́ Сиса́ра к ней: / напо́й мя ма́ло воды́, яко возжа́ждах. / И отреши́ мех млéчный, и напо́й его́, и покры́ его́. / И рече́ к ней Сиса́ра: / ста́ни во двéрех ку́щи, / и бу́дет, а́ще кто при́идет к тебе́, и вопро́сит тя, и рече́т: / е́сть ли зде́ муж? / и рече́ши: несть. / И взя́ Иаи́ль, жена́ Хаве́рова, кол ку́щный, / и взя́ млат в ру́ку свою́, / и вни́де к нему́ тихо, / и водру́зи кол во скра́нии⁴⁷ его́, / и пронзе́ до земли́, / и сей, утру́жда́ся, спа́ше и издше́. / И се Вара́к, гоня́й Сиса́ру. / И изы́де Иаи́ль во срéтение ему́ и рече́ ему́: / прииди́, и покажу́ тебе́ мужа́, е́гоже ты́ ищеши. / И вни́де к ней, и се Сиса́ра ле́жа́ше мертв / и кол во скра́нии его́. / И покори́ Го́сподь Бог в той день Иави́на, ца́ря Ханаа́на, пред сынов изра́илевых, / и хо́ждаше рука́ сынов изра́илевых, ходя́щи, / и ожесточи́ся на Иави́на, ца́ря Ханаа́нска, / до́ндеже истреби́ша его́. / И воспé Девво́ра и Вара́к, сын Авине́емов, в той день и рече́: / внегда́ нача́ти вождо́м во Изра́илю, в произво́лении лю́дий, благослови́те Го́спода. / Услы́шите, ца́рие, и внуши́те, кня́зди: / аз Го́сподеви востпо́ю и пою́ Бо́гу Изра́илеву: / Го́споди, во исхо́де Твоéм от Си́ра, / внегда́ воздви́затися Тебе́ от села́ Едо́мова, / земли́ потрясе́ся, и не́бо возмути́ся, / и обла́цы иска́паша во́ду. / Го́ры подви́гошася от лица́ Го́спода Ело́и, / та́я Сина́⁴⁸ от лица́ Го́спода, Бо́га Изра́илева. / Во дни Саме́гара, сына́ Ана́фова, / во дни Иаи́ли, / оскуде́ша пу́тиé, и идо́ша в пу́ти кривы́, / и идо́ша в пу́ти развра́щенны. / Оскуде́ша живу́щи во Изра́илю, / оскуде́ша, до́ндеже воста́ Девво́ра, / до́ндеже воста́ ма́ти во Изра́илю, / избра́ша бо́ги но́вы, / яко хлеб я́чен⁴⁹, / тогда́ воева́ша гра́ды князе́й, щит не я́вися, / ниже́ копи́е в четы́рехдесяти ты́сяках во Изра́илю. / Се́рдце моé на учинéнная во Изра́илю, / си́льнии лю́дий, бла-

гословіте Господа./ Ездящи на ослитех бѣлыхъ в полудне,/ и седящи на судищи,/ и ходищи на пути сонмов, прове- щайте./ Глас плещущихъ посреде веселящихся:/ тамо дадутъ правду./ Господи, правды укрепи во Израили:/ тогда разы- дошася во грады свой людие Господни./ Востани, востани, Деввора;/ востани, востани, глаголи с песнию;/ востани, Вараче, и плени плен твой, сыне Авинеэмль.

Иудифи чтѣние (глава 13, 2–20): Остася же Иудифъ единая в шатре/ и Олофернъ поверженъ на ложи своемъ,/ быше бо пре- исполненъ виномъ./ И рече Иудифъ рабѣ своей,/ да стой вне ложницы ея/ и да смотритъ исхода ея,/ якоже по всякъ день,/ рече бо, яко изыти имать на молитву свою/ и Вагою глагола по словесемъ симъ./ И отыдоша вси от лица ея,/ и ни единъ остася в ложнице,/ от мала даже до велика./ И ставши Иудифъ при одре его, рече в сердце своемъ:/ Господи Боже вся силы,/ призри в час сей на дела рук моихъ ко возвышенію Иерусалима,/ яко ныне время помоществовати наследію Твоему/ и совершити начинание мое ко сокрушенію враговъ,/ иже восташа на насъ./ И приступивши къ столпнику одра,/ иже быше у главы Олоферновы,/ снятъ мечъ его с него,/ и, приближившиися ко одру,/ взя в горсть власы главы его, и ре- че:/ укрепи мя, Господи Боже Израилевъ, в день сей./ И удари в выю его дважды силою своею,/ и отъя главу его от не- го,/ и отвали тело его от постели,/ и отъя завѣсу от столовъ,/ и по мале изыде, и предаде рабыни своей главу Оло- фернову./ И вложи ю в мешецъ снѣдей своихъ,/ и изыдоше обе купно по обычаю своему на молитву,/ и, прошедше полк, обыдоше дѣбрь оную, и въздоше на гору Ветилуи,/ и приидоше ко вратомъ ея./ И рече Иудифъ издалеца стерегущимъ на вратѣхъ:/ отверзите ныне, отверзите врата,/ с нами Богъ, Богъ нашъ,/ сотворити еще крепость во Израили и силу на враги,/ якоже и днесь сотвори./ И бысть, яко услышаша мужіе града того глас ея,/ потщася снѣти ко вратомъ града своего/ и созваша старцевъ града./ И стекшася вси от мала даже до велика,/ яко паче чаяния бе имъ,/ еже приити ей,/ и отвер- зоша врата, и восприяша ихъ,/ и, вжѣгше огонь во свещеніе, окружиша ихъ./ Она же рече къ нимъ глаголомъ великимъ:/ хвалите Бога, хвалите,/ хвалите Бога, Иже не остави милости Своея от дому Израилева,/ но сокруши враги наша рукою моею в ночь сию./ И, изымши главу из мешца, показа, и рече имъ:/ се глава Олоферна, вождохначальника силы Ассурскаго,/ и се завѣса, за неюже лежаше во пиянствахъ своихъ,/ и порази его Господь рукою женскою./ И живъ есть Господь,/ иже сохрани мя в пути моемъ, имже ходихъ,/ яко прельсти его лице мое в пагубу его,/ и не сотвори грѣха со мною во осквер- неніе и срамоту./ И ужасошася вси людие зело,/ и, падше, поклонишася Богу, и рѣша единодушно:/ благословенъ еси, Боже нашъ,/ уничтоживый в день сей враги людий Твоихъ./ И рече ей Озія:/ благословена ты еси, дщи, Богомъ Вышнимъ/ паче всехъ женъ, яже на земли,/ и благословенъ Господь Богъ, Иже созда небеса и землю,/ Иже управи тя на сокрушеніе главы князя враговъ нашихъ./ яко не остане надежда твоя от сердца человекъ,/ поминающихъ крепость Божию, даже до века,/ и да сотворитъ тебѣ сія Богъ в возношеніе вѣчное,/ еже посещати тя во благихъ,/ за еже не пощадѣла еси души твоея смиренія ради рода нашего,/ но пособствовала еси паденію нашему,/ в правотѣ ходивши предъ Богомъ нашимъ./ И рѣша вси людие: буди, буди.

Притчей чтѣние (глава 31, 10–13): Жену доблю кто обрящетъ –/ дражайшии естъ каменія многоценнаго таковаго./ Дер- заетъ на ню сердце мужа ея,/ таковаго добрыхъ корыстей не лишится,/ дѣлаетъ бо мужу своему благая во все житіе,/ об- рѣтши волну и ленъ,/ сотвори благопотребное рукама своимъ.

НА ЛИТИИ СТИХИРЫ, ГЛАС 1:

Днесь созывается к веселию вся Россійская земля,/ на- ста бо память праматери нашей,/ ко свѣту Христовы веры насъ привѣдшия,/ и путь спасенія намъ показавшия, // и благостроенію державы нашей начало положившия.

Слава, глас 6:

Днесь да торжествуемъ, братіе,/ и да празднуемъ память святыхъ Ольги,/ не песньми токмо праматерь нашу славяще,/ но и дѣлы христіанскими славу Господеви воздающе,/ отринемъ прочее языческое нрава нашего/ и нечестивое житія нашего отвержемъ, // да не до конца прогневаесть Человеколюбецъ Господь грѣхъ ради нашихъ.

И ныне, Богородичен, глас 6:

Творецъ и Избавитель мой, Пречистая,/ Христосъ Господь, из Твоихъ ложеснъ прошедъ,/ в мя оболкийся, первыя клят- вы Адама свободи./ Темже Ти, Всечистая,/ яко Божи Матери же и Деве воистинну,/ вопиемъ немолчно:/ ра- дуйся Ангельски, радуйся, Владычице, // Предстательст- во и Покрове и Спасеніе душъ нашихъ.

НА СТИХОВНЕ СТИХИРЫ, ГЛАС 8.**Подобен: О,** пресла́внаго чудесе́:

О, пресла́внаго чудесе́!/ же́но́ю па́дший род чело-
вече́ский/ Же́но́ю возста́вляет пречу́дно Чело́веко-
любе́ц Госпо́дь/ и в послéдняя лета́ же́ну посыла́ет/
на обра́щение́ рода́ росси́йскаго, О́льгу пре-
сла́вную,/ ея́же Креще́нием/ нача́ло полага́ет про-
свеще́нию страны́ Росси́йска// во спасе́ние ду́ш
на́ших.

Стих: Близ Госпо́дь всем, призыва́ющим Его́,/
всем, призыва́ющим Его́ во и́стине.

Ра́дуйся, граде́ богоспасае́мый Кі́еве,/ всем кон-
це́м земли́ на́шея/ свет Христо́в источи́вый/ и
пе́рвую уго́дницу в ней показавый, О́льгу пречест-
ну́ю,/ ра́дуйся, Выше́граде, насле́дие ея́ честно́е,/
ра́дуйся, же́н росси́йских сосло́вие,/ похвалу́ нашу
да́вшее// во спасе́ние ду́ш на́ших.

Стих: Волю́ боя́щихся Его́ сотвори́т,/ и моли́тву их
услы́шит, и спасе́т я́.

Возвесели́ся, непло́дная Росси́йская земле́,/ лику́й,
нечрево́болéвшая:/ ны́не раждае́ши чадо́ твое́ –
Еле́ну блаже́нную,/ та́ же призо́вет ко Госпо́ду отца́
нашего́ Васи́лия/ и подража́ти себе́ приве́дет лики́
уго́дников Его́,/ подвиги́ свои́ми просла́вити иму-
щих гра́ды и де́бри тво́я,// во спасе́ние ду́ш на́ших.

«Слава» – глас тойже:

Ве́лия сла́ва тво́я,/ и па́мять тво́я с похва́лами,/
О́льго прему́драя,/ тщету́ и́долов презре́вши/ и ис-
тину́ Евангелъскую́ уразуме́вши,/ в се́динах у́м тво́й
Христу́/ в послуша́ние плени́ла еси́/ и все́м родом
росси́йским/ путь и́стинный живота́ показáла еси́,//
моли́ о нас Едина́го Чело́веколю́бца.

«И ныне» – Богородичен:

Безневѣстная Дѣво,/ Яже Бога неизреченно зачещи плотию,/ Мати Бѣга Вышняго,/ Твоих рабов мольбы прими, Всенепорѣчная,/ всем подаючи очищение прегрешений:/ ныне наша молѣния приѣмлющи, // моли спастися всѣм нам.

Тропарь, глас 1:

Крилами богоразумия вперивши твоѣй ум,/ возлетела еси превыше видимыя твари,/ взыскавши Бога и Творца всяческих,/ и, Того обретши, паки рождение Крещением прияла еси,/ дрѣва животнаго наслаждающихся, // нетленна во веки пребываеши, Ольго приснославная.

Ин тропарь, глас 8:

В тебѣ, Богомудрая Елено, известен спасения образ бысть в Русстей странѣ,/ яко, приемши баню святаго Крещения, последовала еси Христу,/ творящи же и учащи, еже оставити идольскуто прѣлесть,/ воспріяти же попечѣние о души, вещи безсмертней,/ темже и со Ангелы радуется, равноапостольная, дѣх твоѣй.

Ин тропарь, глас 4:

Оставивши лѣсть идольскую, последовала еси Христу,/ Безсмертному Жениху, Ольго Богомудрая,/ в Егоже чертозе радующися,/ непрестанно молися/ о чтущих верою и любовію святую пѣмь твою.

Ин тропарь, еллинский, глас 3:

Святая равноапостольная избраннице Христова, княгинѣ Ольго,/ народ твой словесным и чистым Христовым млеко напоившая,/ молися Милостиву Бѣгу,/ да прегрешений оставление // подаст душам нашим.

Слава, и ныне, Богородичен:

Богородичен, глас 1:

Гавриѣлу вещавшу Тебе, Дево, радуйся, / со гласом воплощашеся всех Владыка, / в Тебѣ, святем кивоте, / якоже рече праведный Давид; / явилася еси ширшая Небес, / поносивши Зиждителя Твоего. / Слава Всельшемуся в Тя, / слава Прошедшему из Тебѣ, // слава Свободившему нас Рождеством Твоим.

Богородичен, глас 8:

Иже нас ради рождейся от Девы / и, распятие претерпев, Благий, / испровергий смертию смерть / и Воскресение явлей яко Бог, / не презри, яже создал еси рукою Твоею; / яви человеколюбие Твое, Милостиве. / Приими рождшую Тя, Богородицу, молящуюся за ны, // и спаси, Спасе наш, люди отчаянные.

Богородичен, глас 4:

Еже от века утаенное / и Ангелом несведомое таинство, / Тобою, Богородице, сущим на земли явися Бог, / в неслитном соединении воплощаем / и, Крест волею нас ради восприим, / имже воскресив первозданнаго, // спасе от смерти души наша.

Богородичен, глас 3:

Тя, ходатайствовавшую спасение рода нашего, / воспоем, Богородице Дево: / плотию бо, от Тебе восприятою, Сын Твой и Бог наш, / Крестом восприим страсть, // избави нас от тли яко Человеколюбец.

НА УТРЕНИ

На Бог Господь: тропарь Ольги. Слава, ин тропарь. И ныне, Богородичен по гласу.

По 1-м стихословии седален, глас 3: Воистинну в женах мудрейшею показалася еси, Ольго славная, / леств языческую отвергнувши, и во Христа веровавши, / и Владимира к тому подвигши; / не забуди убо, яко прамати, нас, недостойных чад твоих, / и утверди в правоверии и благочестии / богоугодными твоими молитвами.

Слава, и ныне, Богородичен: Злобою ожестѣвшая сердца наша умягчи, Дѣво Пречистая,/ печали наша утоли,/ яко многи скорби у Креста Сына Твоего претерпѣвшая,/ и прошения наша услыши, яко Благая Скоропослушница.

По 2-м стихословии седален, глас 4: От Господа стопы человеку исправляются;/ тем и тебе, святая Ольго, направи/ сердца Испытуяй и утробы к Царствию Небесному,/ егже да не лишит и нас молитвами твоими.

Слава, и ныне, Богородичен: Упование христиан непостыдное/ и стено обороимая, Владычице Богородице,/ не отрини молений к Тебе прибегающих,/ но, яко Благая, заступи и помилуй нас.

Величание: Величаем тя,/ блаженная и равноапостольная княгине Ольго,/ и чтим святую память твою,/ идолы поправшую/ и многия люди российскийя// святым Крещением просветившую.

Ино величание: Величаем тя,/ святая равноапостольная княгине Ольго,/ яко зарю утреннюю в земли нашей возсиявшую/ и свет веры Православныя народу своему// предвозвестившую.

Псалом избранный:

Блажен муж бойся Господа,/ **В** заповедех Его восхощет зело./ **Слава** и богатство в дому его./ **И** правда его пребывает в век века./ **В** память вечную будет праведник./ **Праведник** яко финикс процветет, яко кедр, иже в Ливане, умножится./ **Возвеселится** праведник о Господе, и уповает на Него./ **Се** устам моим не возбраню, Господи./ **Ты** разумел еси правду мою и истину мою:/ **И** язык мой поучится правде Твоей, весь день хвалѣ Твоей./ **Свет** возсия праведнику, и правым сердцем веселие./ **Род** правых благословится./ **Славою** и честью венчал еси его./ **Яко** Ты благословиши праведника Господи./ **Яко** оружием благоволения венчал еси нас./ **В** нихже посети нас Восток с высоты:/ **Явится** во тме и сени смертней сидящим:// **Направити** ноги наша на путь мирен.

Слава и ныне: Аллилуия. Трижды.

По полиелѣи седален, глас 5: Достойно равноапостольныя царицы именем наречена еси, блаженная,/ оной бо, Крест Христов прилежно взыскавшей, подражала еси,/ Христа Бога истиннаго взыскавши и Крест Того на себе возложши,/ Егже моли иго благое Креста понести и нам, грехи обремененным,/ и упование Небесное улучшить.

Слава, и ныне, Богородичен: Отныне ублажат Мя вси роди, – рекла еси, Пречистая Дево, / от праведных Елисавет целование приемши; / тем убо и мы от отец наших, / яко Богородицу и Матерь Света, / Тя пети научимся.

Степенна, 1-й антифон 4-го гласа. Прокимен, глас 4: Во всю землю изыде вещание их / и в концы вселенныя глаголы их. **Стих:** Небеса поведают славу Божию, творение же руку Его возвещает твердь. **Всякое дыхание: Евангелие от Матфея, зачало 104 (гл. 13, ст. 33, 44–50).**

По 50-м псалме стихира, глас 6:

Провозвестницу веры / и ко спасению путеводительницу Богоизбранную, / Ольгу премудрую восхвалим / и песнями почтим святую память ея, / молится бо со всеми святыми земли нашей // о спасении душ наших.

Канон Богородицы: Многими содержимь напастьми: на 6 и канон святых равноапостольных Ольги, на 8, глас 5.

Песнь 1

Ирмос: Величаваго фараона в мори потопивша / со оружием и всадники, / Израиля же преславно спасша / и по суху проведша, // поем Христа, яко прославися.

Величие наше и похвала ты еси, Ольго Богомудрая: / тобою бо от идольския лести свободихомся. / ныне молися за род и роды, ихже Богу привела еси, / поющи Христа, яко прославися.

Величаваго диавола из России прогнала еси, / нечестивыя кумиры отнюд сокрушивши, / вся люди от беззакония свободила еси, / мудростию научаючи пети Христа, яко прославися.

Черность греховную банею Крещения отнюд отмыла еси, / Христа возлюбила еси, / Емуже предстоящи, молися за рабы твоя, / верно славящия тя.

Богородичен: Исаия Тя жезл нарицает, Пречистая, / Давид же Тя – престол Господень, / Аввакум – приосененную гору, купину же Тя – Моисей, / мы же Тя Матерь Божию нарицаем.

Катавасия: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, // и воспою, радуясь, Тоя чудеса.

Песнь 3

Ирмос: Державною рукою и сильным словом / Небо и землю сотворил еси, / юже Твоею Кровию искупил еси, / Церковь Твою, / яже о Тебе утверждается, зовущи: // яко несть свят, разве Тебе, Господи.

Державною рукою, и мудрыми словесы, и сильным словом/ учи́ла еси́ твоего́ сына́ за-
ко́ну Христо́ву/ и лю́дем возбрани́ла еси́ жрети́ и́долом, Ольго пресла́вная,/ в па́мять
твою́ ны́не соше́дшися, тебе́ прославля́ем.

Ты, я́ко пче́ла, добру́ разу́му далече́ цветущия Христо́вы ве́ры взыска́ла еси́/ и, я́ко
поро́дный³ мед, Креще́ние в Царствующем гра́де⁴ обрѣтши,/ твоему́ гра́ду и лю́дем да-
рова́ла еси́,/ е́гоже вси насыще́ни го́рести греха́ отбега́ют.

Весь похва́льный глас и мо́льбу́ ти, Ольго, прино́сим,/ тобо́ю бо Бо́га позна́хом,
Ему́же ны́не предстои́ши,/ проси́ ми́ра оте́честву, и на пога́ныя побѣды, и душа́м
на́шим оставле́ния грехо́в,/ пою́щим тя, присноблаже́нная.

Богоро́дичен: Приятелище яви́лася еси́, Де́во, Непристу́пнаго Бо́га,/ тем Тя пою́т не-
преста́нно а́нгельстии чи́ни, повиную́щися Влады́це,/ Ты бо родила́ еси́ Сло́во Отчее,
Собезнача́льное, без отца́:/ о, чу́до! Святы́й бо Ду́х осени́ Тя.

Катавасия: Твоя́ песнословцы, Богоро́дице,/ **Живы́й и**
Незави́стный Исто́чнице,/ лик себе́ совокупльшия,
духовно утверди́,/ в Божественней Твоей сла́ве// вен-
цев сла́вы сподо́би.

Ин кондак, глас 4:

Явися днесь благодать всех Бо́га,/ просла́вльши в Руси
Ольгу Богому́друю,/ мо́литвами ея, Го́споди,/ лю́дем по-
да́ждь// грехом оставле́ние.

Ин и́кос: Ру́сскому язы́ку, Пско́встей странѣ,/ богоизбра́нному от варя́г кня́жескому
плѣмени прамáти нарече́ся, Ольго,/ и ходя́щих прѣжде во тьме неразу́мий всех чест-
ным оза́ри кресто́м,/ па́че нас святы́м Креще́нием,/ и́мже омывше и́дольскую
скверну, мизи́ннии Бо́гу нареко́хомся лю́дие,/ к Нему́ за вся ны́ я́ко с дерзнове́нием
мо́лишися,/ лю́дем пода́ждь грехо́м оставле́ние.

Седáлен, глас 3: Подвиг твой чтим, блаже́нная,/ дивна́ бо кре́пость ду́ха твоего́, в
немо́щи телесе́ я́вляющаяся;/ язы́ческую лесть презре́вши,/ дерзнове́нно ве́ру пропо-
ве́дала еси́ Христо́ву,/ о́браз нам подаю́щи ре́вности о Го́споде.

Сла́ва, и ны́не, Богоро́дичен: Иже неизрече́нно от чи́стых крове́й Твои́х Вопло-
тивыйся/ престо́л угото́ва во чре́ве Твоём, Пречи́стая Отрокови́це,/ Ю́же вси ро́ди,
я́ко Богоро́дицу, досто́йно сла́вят.

Песнь 4

Ирмос: Ду́хом Божимм очи́щся проро́к,/ дыха́ющим в
нем, Аввакум Божественный, боя́ся, глаго́лаше:/ внегда
приближатся ле́та,/ познан будеши, Бо́же,// на спасе́ние
челове́ков.

Ду́х Бо́жий почи́ на тебе́, я́ко на Девво́ре проро́чице дре́вле,/ Имже просвети́вшись,
укрепля́ющи Влади́мира разу́мнаго,/ Сисáру диа́вола низложи́ла еси́ в се́ти е́го Креще́нием,
я́ко и Вара́ком в пото́це Ки́ссове прѣжде.

Быстри́не подо́бящися, Ольго Богому́драя,/ сокруше́нным се́рдцем ста, моля́щися к
Бо́гу,/ изба́вила еси́ род твои́х люде́й от оскорбле́ния куми́рскаго/ и от пленѣния

³ поро́дный – райский

⁴ Царствующий град – Царьград, Константинополь

вра́жия свободи́ла еси́,/ Христа́ призыва́ющи на по́мощь на́шу.

В наро́читый день свята́го твоего́ преставле́ния ра́достно пра́зднуем,/ песнь моле́бную Христу́ возсыла́юще,/ нетле́нным венце́м венча́вшему тя, Ольго Богому́драя:/ проси́ нам оставле́ние грехо́в, сла́влящим тя ве́рно.

Богоро́дичен: Ты, от ко́рене Иессеева процветшу́ю,/ Иса́ия я́коже прорече́, Христа́ – Цвет прозя́бшую,/ и Первонача́льного плоти́ю носившу́ю, и Жезл Бо́жия Духа,/ хва́лим Тя, я́ко Бо́жию Ма́терь и Чи́стую Де́ву.

Катавасия: Седя́й в Славе на Престо́ле Божества́/ во облаце лёгце,/ прииди Иисус Пребоже́ственный,/ Нетленную Дланию и спасе зову́щия:// слава, Христе́, си́ле Твое́й.

Песнь 5

Ирмос: Сло́во Божие Всеси́льное,/ ми́р всему́ ми́ру посли́/ и светом истинным освеща́я/ и просвеща́я вся,// из но́щи Тя́ сла́влящия.

Яко голуби́ца целому́дренная, на фи́никс добродете́лей возшла́ еси́,/ криле́ свяще́нне посребренне иму́щи,/ и́миже возлетевши, в райстей пи́щи возгнездилася еси́, сла́вная Ольго.

О тебе́ поя́ше Соломо́н пре́жде:/ вне виногра́да ца́рская ма́слина процвете́;/ ты бо святы́й грезн⁵ Креще́нием в Росси́и насади́ла еси́,/ творя́щи плод пока́ния, о нёмже Сам Христо́с веселится́.

Умилосе́рдися, Влады́ко, на новопросвеще́нные лю́ди Твоя́,/ не преда́ждь нас в ру́ки пога́ных за мно́жество беззаконий на́ших,/ но моли́твами наста́вницы на́шея Ольги изба́ви ны от вся́кия напа́сти.

Богоро́дичен: Кро́пите вси, я́коже пи́шется, о́блацы весе́лия, земны́м:/ Бо́жий бо Де́тищ Христо́с, очища́яй мир от грехо́в,/ воплотился́ от Де́вы и дан бысть нам.

Катавасия: Ужасошася вся́ческая/ о Божественней сла́ве Твое́й:/ Ты бо, Неискусобрачная Де́во,/ имела еси́ во утробе над всеми́ Бо́га/ и родила еси́ Безлетнаго Сы́на,/ все́м воспева́ющим Тя́// ми́р подава́ющая.

Песнь 6

Ирмос: В Це́рковь Небесную Святу́ю Твою́/ да приидет моли́тва моя́,/ вопию́ Ти, я́ко Иона, из глубины сердца́ морска́го:/ от грех моих возведи́ мя,// молю́ся Тебе́, Го́споди.

Ре́вность Свята́го Ду́ха в се́рдцы прие́мши,/ оте́ческое злове́рие возненави́дела еси́,/ и, Христа́ и́стиннаго Бо́га взыска́вши, ча́до све́та яви́лася еси́,/ и с пёрвенцы святы́х на Небесе́х лику́еши.

Но́вая учени́ца Христо́ва в Росси́и яви́лася еси́, обходя́щи гра́ды и се́ла,/ куми́ры сокру-

⁵ грезн – виноградная кисть, гроздь.

шаючи и люди учащи единому Богу поклонятися,/ Егоже моли за поющия ты.,

О Богоблаженная Ольго, помолися за твою чада к Богу:/ мир неподвижимый отечеству нашему испроси/ и нам отпущение грехов, присно ты прославляющим.

Богородичен: Познавше Тобою неописанное Слово Божие,/ Сына Единородного Вседержителя, вопиём Ти, земнии:/ радуйся, благословенная Богородице, упование душ наших.

Катавасия: Божественное сие и всечестное/ совершающе празднество,/ Богомудрии, Богоматере,/ придите, руками восплещим, // от Нея рождаемого Бога славим.

Кондак Ольги глас 4.

Подобен: Явился еси днесь:

Воспоем днесь Благодетеля всех Бога,/ прославльшаго в России Ольгу Богомудрую,/ да молитвами ея/ подаст душам нашим// грехов оставление.

Икос: Христиан житие видящи и непотребство языческое уразумеваючи,/ сие в себе рекла еси, Ольго Богомудрая:/ о, бездна премудрости и благодати всех Творца!/ Како утайся еси от мене доселе?/ Како возмогу идолы отныне чтити?/ Никтоже бо, сладкаго вкуса, восхощет горькаго,/ сего ради, аще и в старости, призови мя, Святаа Троице,/ и подаждь ми грехов оставление.

Песнь 7

Ирмос: Пламень пещный поработиша благочестивни отроцы,/ тем свыше ороси я, готовы палимы по естеству,/ но паче естества мужески пояху:/ благословен еси, Господи, // на Престоле Славы Царствия Твоего.

Подобно Иудифи сотворила еси, посреде кумирских телищ вшедши,/ тех начальника сокрушила еси и демоночеты посрамила еси,/ вся же люди научила еси в чистоте вопити Христу:/ благословен еси, Господи, на Престоле Славы Царствия Твоего.

Похвальными цветы, аки царский венец, богомудрей твоей главе/ в память твою приносим, юже Христос нетлением венча, Ольго досточудная,/ молися за твоё стадо, избавитися от всякаго зла вопиющим:/ благословен еси, Господи, на Престоле Славы Царствия Твоего.

Ливанскую ли гору наречем ты?/ На ты бо роса Небесная сниде./ Или Фисон реку, добрейший сафир, камень честный, Владимира имущую,/ имже просветися Российская земля?/ Но молитесь за ны, взывающе:/ благословен еси, Господи, на Престоле Славы Царствия Твоего.

Богородичен: Кивот позлащен Ты Духом именуем,/ спасшую мир от потопа разумнаго, Дево,/ спаси нас, на Ты бо надеемся и к Тебе прибегаем,/ отчаянные в пучине от грех и напастей избави, вопиющия:/ благословен еси, Господи, на Престоле Славы Царствия Твоего.

Катавасия: Не послужиша твари Богомудрии/ паче Создавшего,/ но, огненное прещение мужески поправше,/ радовахуся, поюще:// препетый отцев Господь и Бог, благословен еси.

Песнь 8

Ирмос: Кре́пцыи отроцы трие суще, силою оболкшеся Святыя Трѳицы,/ уловиша и победиша халдеи, и дивно изменися естество:/ како огонь в росу прелага́шеся?/ Без туги я сохрани, яко пеленами, о пролиявый мудрость на всех делех Твоих Бѳже, // Тя превозно́сим во веки.

Крепка́, яко львица, силою Святаго Ду́ха оболчена,/ едина устремися всюду истерзати кумиры, и дивно на Небеси́ и на земли:/ како жена́ прежде Бѳга познава́ет,/ еюже испѳрва всему́ роду падѳние бысть?/ Тою же ны́не спасѳни, поѳм:/ о пролиявый му́дрость на всех дѳлех Твои́х Бѳже,/ Тя превозно́сим во ве́ки.

Премудрость Бѳжия прежде о тебе́ написала есть:/ се еси́ дѳбрая моя́ и прекрасная, и поро́ка несть в тебе́./ Блеск лица́ твоего́, яко ми́ра обоня́ние, назнаменоваше твое́, Ольго, крещѳние,/ еже посреде́ кумирския лѳсти на тебе́ обоня́ Христѳс/ и всех нас от смра́да дѳмонскаго к покая́нию ми́лостию Своѳю, привѳл есть.

Помяни́ мене́, госпоже́ Ольго, убо́гаго твоего́ раба́,/ окра́деннаго от врага́ и согрѳшившаго па́че человек, / и помолися́ Христу́ пода́ти ми прощѳние о всех согрѳшѳнииих,/ яже нечу́ственно соде́ях, ока́янный, да покая́нием вопию́:/ о пролиявый му́дрость на всех дѳлех Твои́х Бѳже,/ Тя превозно́сим во ве́ки.

Богородичен: Не прѳзри, Де́во, Твои́х раб мольбы́,/ о Тебе́ бо хва́лимся, Твое́ ма́лое ста́до мы есмы́,/ потщися́ в заступлѳние на́ше и изми́ ны от враг на́ших,/ ущѳдри знающия́ Тя Ма́терь Бѳжию и Сы́ну Твоему́ вопию́щия:/ о пролиявый му́дрость на всех дѳлех Твои́х Бѳже,/ Тя превозно́сим во ве́ки.

Хвалим, благословим:

Катавасия: Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действующее,/ вселенную всю воздвизает пѳти Тебе:/ Го́спода по́йте, дела́, // и превозносите Егѳ во вся ве́ки.

Песнь 9

Ирмос: Из Еде́ма изыде род наш прабабы ради Евы,/ призван же Тобою, рождшею нам новаго Ада́ма— Христа́,/ во двою естеству, Дево Чѳстая./ Взыграся Адам прадед, яко избыв первыя кля́твы, // мы же Тобою хвалящеся, яко Тебе ради Бога познахом, и Тебе́ велича́ем.

Весели́ся, Ево прародительнице, иже бо, ты прельстѳив, из Еде́ма изведе́,/ ны́не же попра́н есть твои́м исча́дием./ Се бо Ольга живѳтное дре́во, Крест Христѳв, в Росси́и водрузи́,/ и́мже всем ве́рный рай отвѳрзеся,/ мы же хва́лящеся, яко той ра́ди Бѳга позна́хом,/ со Влади́миром си́ю велича́ем.

Жену́ по естеству́ нарица́ем ты, но па́че си́лы же́нския подвѳглася еси́/ Тьмы твоего́ зла́та истощи́ла еси́,/ да Христѳв за́кон и учителя́ приобря́щещи,/ и́мже просвети́ла еси́ зе́млю Росси́йскую,/ мы же тобо́ю хва́лящеся, яко тебе́ ра́ди Бѳга позна́хом,/ с му́ченики ты велича́ем.

Зако́на наста́внице чѳстая и учи́тельнице ве́ры Христѳовы,/ приими́ похвалу́ от раб недосто́йных и моли́тву о нас сотвори́ к Бѳгу,/ че́стно творя́щих твою́ па́мять,/ да от напáстей, и бед, и печáлей, и лю́тых грѳхов свободи́мся,/ ещѳ же и мук, ждущих нас, изба́ви, мо́лимся ти,/ тебе́ непрѳста́нно велича́ющии.

Богородичен: Се Церковь, се дверь, се Божия гора святая, / се жезл и сосуд злат, се источник печатан, / се рай святой новаго Адама, се престол страшный, / се Мати Божия Пречистая, / Заступница всех нас, поющих Ю.

Катавасия: Всяк земнородный / да възиграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная, // Богородице, Чистая Приснодево.

Светилен: Светом благодати Божией просвещенная, / светильник веры истинныя во отечестве своем возгла еси, Ольго Богомудрая, / и образ подала еси отцу нашему Владимиру, / имже и мы от тьмы неведения к Свету Христову приведохомся.

Слава, и ныне, Богородичен: Во тьме беззаконий сущи и нечистою греховною осквернении, / Тя Путеводительницу к Свету невечернему имамы, / тем и мою окаянную душу к Небесней чистоте возведи / всеильным предстательством Твоим, Дево Пречистая.

НА ХВАЛИТЕХ СТИХИРЫ, ГЛАС 3:

Восхвалим, о братие, / Спаса нашего и Господа / за превеликая благодеяния Его: / Той бо, Человеколюбец сый, / в сердце праматере нашея Ольги / вложи огонь любви Божественныя / и по ней в земли нашей яви сеяния Своего плоды пребогатыя: / в князех наших – к Царствию Горнему вожди нелестныя, / во архиереех – наставники мудрыя ко спасению / и во всяком лице преподобных – столпы веры и благочестия, // ихже молитвами спасает от смерти души наша.

Воспойте Господеви песнь нову, / дубравы и доли земли Российския, / в память наставницы нашея, / и воскликните Богу гласом радования, / горы и холми, идольскими жертвами древле осквернившиися / и погибели отец наших служившии, / ныне же росую благодати Творца Своего окропившиися, / и Крестом Сына Его осененнии, // и споклоньшиися с нами Спасяющему души наша.

По грехом нашим умножишася в нас безумнии, / иже не токмо глаголют в сердцах своих – несть Бог, / но и проповедуют нам учения погибельная и развращенная, / малодушныя от Святыя Церкви отторгающая, / обаче от сих, молитвами блаженныя Ольги, // да спасет Господь души наша.

«Слава» – глас 8:

О ма́ти наша возлю́бленная, / рцы́ на́м, како благода-
тию Вы́шняго / вся козни вра́жия препобеди́ла еси́, / да
и мы́, тобою науче́ннии, // искусни явимся спасти души на́ша.

«И ныне» – Богородичен:

Богородице, Мати Безневѣстная, / Ты́ на́м прибежище
и си́ла, / Ты еси упование наше и стена́ неруши́мая, /
не отве́рзи нас от Твоего́ лица́, / но моли́ Сы́на Твоего
и Бога на́шего, // да спасет Тобою души на́ша.

Славосло́вие вели́кое.

Тропа́рь, глас 1:

Кри́лами богоразумия вперивши тво́й ум, / возлетела
еси́ превыше видимыя тва́ри, / взыска́вши Бога и
Творца вся́ческих, / и, Того́ обретши, паки рождение
Крещением прия́ла еси́, / дре́ва животного наслаж-
да́ющихся, // нетленна во веки пребываеши, Ольго при-
сносла́вная.

Слава, и ныне, Богородичен, глас 1:

Гаври́лу вещавшу Тебе, Дево, ра́дуйся, / со гласом во-
площа́ешься всех Влады́ка, / в Тебе́, святем киво́те, /
якоже рече пра́ведный Дави́д; / яви́лася еси́ ширшая
Небе́с, / поносивши Зижди́теля Твоего́. / Сла́ва
Всѣльшемуся в Тя́, / слава Прошедшему из Тебе́, // сла-
ва Свободившему нас Рожде́ством Твои́м.

Молитва первая: О святая равноапостольная великая княгиня Ольго, первоугоднице Россійская, теплая о нас пред Богом ходатаице и молитвеннице! К тебе́ прибегаем с верою и молимся с любовью: буди нам во всем ко благу помощница и споспешница и, якоже во временей жизни твоя́ была еси́ просветити прароты́ наша светом святыхъ веры и благочестия. Ты еси́ духовная родоначальница наша, ты по Христе́ Спасителе́ нашем первая виновница просвещения и спасения рода нашего. Ты еси́ теплая молитвенница и ходатаица о отечестве́ Всероссийском, воинстве и всех людех. Сего́ ради смиренно молим тя: призи на немощи́ наша и умоли́ Премилосердаго Царя́ Небеснаго, да не прогневается на ны зело́, яко по немощем нашим по вся дни согрешаем, да не погубит нас со беззаконными нашими, но да помилует и спасет нас по милости Своей, да всадит в сердца́ наша спасительный страх Свой, да просветит Своєю́ благодатию ум наш, во еже разумети нам пути́ Господни, оставити стези́ нечестия и заблуждений, тшати́ся же во стезяхъ спасения и истинны, неуколбоного исполнениа заповедей Божиих и уставовъ Святыхъ Церкве. Моли́, блаженная Ольго, Человеколюбива́ Бога, да пробавит нам великую милость Свою́, да избавит нас от нашествия иноплемениных, от внутренних нестроений, мятежей и раздоров, от глота, смертоносныхъ болѣзней и от всякаго зла, да подаст нам благорастворение воздуха и плодотворение земли, да сохранит страну́ нашу от всехъ козней и наветъ вражних, да соблюдет в судияхъ и правителехъ правду и милость, да дастъ пастыремъ ревность о спасении насомых, всем же людем споспешение, о еже усердно службы свои исправити, любовь между собою и единомыслие имети, на благо отечества и Святыхъ Церкве верне подвизатися, да возсияет свет спасительныя веры в стране́ нашей во всехъ концахъ ея́, да обратятся къ вере неверующия, да упразднятся вся ереси и расколы. Да, тако поживше в мире на земли, сподобимся с тобою вѣчнаго блаженства на Небеси́, хваляще и превозносяще Бога во веки вековъ. Аминь.

Молитва вторая: О великая угоднице Божия, богоизбранная и богославленная, равноапостольная великая княгиня Ольго! Ты отринула еси́ зловерие и нечестие языческое, уверовала еси́ во Единого Истинного Троицостаснаго Бога, и восприяла еси́ святое Крещеніе, и положила еси́ начало просвещению земли Россійския светом веры и благочестия. Ты еси́ духовная родоначальница наша, ты по Христе́ Спасителе́ нашем первая виновница просвещения и спасения рода нашего. Ты еси́ теплая молитвенница и ходатаица о отечестве́ Всероссийском, воинстве и всех людех. Сего́ ради смиренно молим тя: призи на немощи́ наша и умоли́ Премилосердаго Царя́ Небеснаго, да не прогневается на ны зело́, яко по немощем нашим по вся дни согрешаем, да не погубит нас со беззаконными нашими, но да помилует и спасет нас по милости Своей, да всадит в сердца́ наша спасительный страх Свой, да просветит Своєю́ благодатию ум наш, во еже разумети нам пути́ Господни, оставити стези́ нечестия и заблуждений, тшати́ся же во стезяхъ спасения и истинны, неуколбоного исполнениа заповедей Божиих и уставовъ Святыхъ Церкве. Моли́, блаженная Ольго, Человеколюбива́ Бога, да пробавит нам великую милость Свою́, да избавит нас от нашествия иноплемениных, от внутренних нестроений, мятежей и раздоров, от глота, смертоносныхъ болѣзней и от всякаго зла, да подаст нам благорастворение воздуха и плодотворение земли, да сохранит страну́ нашу от всехъ козней и наветъ вражних, да соблюдет в судияхъ и правителехъ правду и милость, да дастъ пастыремъ ревность о спасении насомых, всем же людем споспешение, о еже усердно службы свои исправити, любовь между собою и единомыслие имети, на благо отечества и Святыхъ Церкве верне подвизатися, да возсияет свет спасительныя веры в стране́ нашей во всехъ концахъ ея́, да обратятся къ вере неверующия, да упразднятся вся ереси и расколы. Да, тако поживше в мире на земли, сподобимся с тобою вѣчнаго блаженства на Небеси́, хваляще и превозносяще Бога во веки вековъ. Аминь.

Святая равноапостольная княгиня Россійская Ольга: Утверждению христіанства на Руси при святом равноапостольном великом князе Киевском Владимире предшествовало княжеской княжеской династии Изборских. Она родилась в языческой семье в селении Выбуты неподалеку от Пскова, стоящем на реке Великой. Ей были присущи уже в юности глубокий ум и исключительная в языческой среде нравственная чистота. Богомудрой, мудрейшей в роде называют святую княгиню древние авторы, и именно чистота была той доброй почвой, на которой принесли такой богатый плод семена христіанской веры.

Равноапостольная Ольга родилась в Псковской земле, ее родословная восходит к Гостомыслу. Иоакимовская летопись сообщает, что святая Ольга принадлежала к роду древнерусской княжеской династии Изборских. Она родилась в языческой семье в селении Выбуты неподалеку от Пскова, стоящем на реке Великой. Ей были присущи уже в юности глубокий ум и исключительная в языческой среде нравственная чистота. Богомудрой, мудрейшей в роде называют святую княгиню древние авторы, и именно чистота была той доброй почвой, на которой принесли такой богатый плод семена христіанской веры.

Святая Ольга отличалась и внешней, телесной красотой. Когда ее увидел во время охоты в северных лесах будущий Киевский князь Игорь, он воспылал к ней нечистой похотью и стал склонять ее к плотскому греху. Однако мудрая и целомудренная девица стала вразумлять князя не быть рабом своих страстей. «Вспомни и подумай, – сказала она, – что ты князь, а князю для людей должно быть, как правителю и судии, светлым примером добрых дел». Она так мудро беседовала с Игорем, что князь устыдился.

Когда Игорь утвердился в Киеве, он решил выбрать себе жену среди самых красивых девушек княжества. Но ни одна из них не пришлась ему по сердцу. Тогда он вспомнил об Ольге и послал за ней своего опекуна и родственника князя Олега. В 903 году святая Ольга стала женой князя Игоря. С 912 года, после смерти князя Олега, Игорь стал править в Киеве единовластно. Он успешно осуществил несколько военных походов. В правление Игоря, лояльно относившегося к христианской религии, вера Христова распространилась в Киеве настолько, что христиане составляли значительную часть общества. Именно поэтому мирный договор с греками, заключенный незадолго до смерти князя Игоря, утверждался двумя религиозными общинами Киева: христианами и язычниками. В 945 году князь Игорь был убит древлянами. Боясь мести за убийство Киевского князя и желая укрепить свое положение, древляне отравили послов к княгине Ольге, предлагая ей вступить в брак со своим правителем Малом. Но Ольга, тогда еще язычница, отвергла предложение древлян. Хитростью заманив в Киев старейшин и всех знатных мужей древлян, она мучительной смертью отомстила им за смерть мужа. Ольга еще неоднократно мстила древлянам, пока они не покорились Киеву, а их столица Коростень не была до тла сожжена. Как язычница, она не могла взойти тогда до заповеди о прощении и любви ко врагам.

После смерти князя Игоря она успешно управляла государством и укрепила власть Киевского великого князя. Великая княгиня обезлала Русскую землю с целью упорядочения гражданской и хозяйственной жизни народа. При ней Русская земля была разделена на области, или волости, во многих местах она поставила погосты, ставшие административными и судебными центрами. Богомудрая Ольга осталась в истории и как великая создательница культуры Киевской Руси. Она решительно отказалась от второго брака, сохранив великокняжеский престол для подрастающего сына Святослава. Много трудов приложила святая княгиня Ольга для укрепления обороны страны. Ко времени правления Ольги историки относят установление первых государственных границ России – на западе, с Польшей.

История не сохранила имен первых христианских наставников святой Ольги, вероятно потому, что обращение блаженной княгини ко Христу связывали с Божественным вразумлением. Один из древних текстов говорит об этом так: «О дивство! Сама не ведущи Писания, ни закона христианского и учителя о благочестии не слыша, а правом благочестия усердно поучашася и веру христианскую от всех души возлюби. О неизреченного Промысла Божия! Не от человек блаженная научашася истине, но свыше учителя име Божия Премудрость». Ко Христу святая Ольга шла через поиски Истины, ища удовлетворения для своего пытливого ума; древний автор называет ее «богоизбранной рачительницей премудрости». Преподобный Нестор-летописец повествует: «Блаженная Ольга с малых лет искала мудрости, что есть самое лучшее в свете этом, и наша драгоценный жемчуг – Христа».

В 955 году княгиня отправилась в Константинополь, где была с почетом принята императором Константином VII Багрянородным (913–959) и Патриархом Феофилактом (933–956). По свидельству летописи, вскоре она приняла святое Крещение с именем Елена – в честь святой равноапостольной царицы Елены (†327; память 21 мая). Восприемником ее стал сам император Константин. Патриарх Феофилакт наставил русскую княгиню в истиннах Православной веры и дал ей заповеди о сохранении церковного Устава, о молитве, посте, милостыне, соблюдении чистоты. «Она же, наклонив голову, стояла, внимая учению, как губка напояемая», – пишет преподобный Нестор. Святая Ольга вернулась в Киев, взяв с собой святой крест, иконы, Богослужебные книги. Здесь началось ее апостольское служение. Она привела ко Христу и святому Крещению многих киевлян, предпринимала попытки повлиять на сына, убежденного язычника, малодушно боявшегося осуждения дружины. Но князь Святослав остался глух к призывам матери. Не принуждая сына, святая Ольга молилась со смирением: «Воля Божья да будет. Аще Бог хочет помиловати рода моего и земле русския, да возложит им на сердце обратитися к Богу, яко же и мне Бог дарова». Святая Ольга построила в Киеве, на могиле князя Аскольда, храм во имя Святого Николая, заложила деревянный храм во имя Святой Софии Премудрости Божией.

Затем с проповедью святой веры святая княгиня отправилась на север. По пути она сокрушала идолов и на местах языческих капищ устанавливала каменные кресты, от которых для вразумления язычников происходили многочисленные чудотворения. При впадении в реку Великую реки Псковы святая Ольга увидела «луч Трисиятельного Божества» – знамение пощения Божия о Руси. Блаженная княгиня поставила на том месте крест и основала храм во имя Святой Живоначальной Троицы. Она пророчески возвестила о том, что здесь будет воздвигнут «град велик». Исторически достоверно, что святая равноапостольная Ольга явилась основательницей Пскова. По возвращении в Киев она отравила много золота и серебра на постройку псковского храма.

В конце жизни блаженная Ольга претерпела много скорбей. Святослав, не принявший святое Крещение, покинул престарелую мать и переселился в город Переяслав на Дунае. Кроме того, он мешал ее мероприятиям по утверждению Христианства на Руси. В 968 году Киев осадил печенег. Святая княгиня с внуками, в числе которых был князь Владимир, оказались в смертельной опасности. Когда весть об осаде достигла Святослава, он поспешил на помощь, и печенег были обращены в бегство. Святая княгиня, будучи уже тяжело больной, просила сына не уезжать до ее кончины. Она не терала надежды обратить сердце сына к Богу и на смертном одре не прекращала [проповеди](#). 11 июля 969 года святая Ольга преставилась ко Господу, завещав не устраивать по себе тризны, а совершить погребение по-христиански.

Через 19 лет внук святой княгини Ольги святой равноапостольный великий князь Владимир принял Крещение. Он построил в Киеве каменный храм в честь Пресвятой Богородицы (Десятинная [церковь](#)), куда были перенесены нетленные мощи святой равноапостольной Ольги. Над ее гробницей было устроено окно, которое открывалось само, если к мощам подходили с верою. По вере христиане сподобились видеть светозарные мощи святой княгини и получать от них исцеления. Русский народ чтит святую равноапостольную Ольгу как основоположницу христианства на Руси, обращаясь к ней словами преподобного Нестора: «Радуйся, русское познание Бога, начало нашего с Ним примирения».

НА ЛИТУРГИИ

Блаженны от канона святых, песни 3-я и 6-я.

Тропáрь, глас 1:

Крилами богоразумия вперивши тво́й ум,/ возлетела еси превыше видимыя твáри,/ взыска́вши Бога и Творца вся́ческих,/ и, Того обретши, паки рождение Крещением прия́ла еси́,/ дрéва животного наслажда́ющися, // нетленна во веки пребываеши, Ольга присносла́вная.

Ин тропáрь, глас 8:

В тебе́, Богому́драя Елено, известен спасения образ бысть в Ру́сстей странé,/ я́ко, при́ймши баню святаго Крещения, последовала еси́ Христу́,/ творя́щи же и уча́щи, еже оставить идольскуто прéлесть,/ восприя́ти же попече́ние о души, вещи безсме́ртней, // те́мже и со Ангелы ра́дуется, равноапостольная, дүх тво́й.

Ин тропáрь, глас 4:

Оставивши лeсть идольскую, последовала еси́ Христу́,/ Безсме́ртному Жениху, Ольга Богому́драя,/ в Егоже чертозе ра́дующися,/ непреста́нно моли́ся/ о чтущих верою и любовью святую па́мять твою́.

Ин тропарь, еллинский, глас 3:

Святая равноапостольная избраннице Христова, княгине Ольго, / народ твой словесным и чистым Христовым млеком напоившая, / молися Милостиву Бóгу, / да прегрешений оставление // подаст душам нашим.

Кондак Ольги глас 4.

Подобен: Явился еси днесь:

Воспоем днесь Благодетеля всех Бóга, / прославльшаго в России Ольгу Богомудрую, / да молитвами ея / подаст душам нашим // грехов оставление.

Ин кондак, глас 4:

Явился днесь благодать всех Бóга, / прославльши в Руси Ольгу Богомудрую, / молитвами ея, Гóсподи, / людем подаждь // грехом оставление.

Прокимен, глас 8: Во всю землю изыде вещание их / и в концы вселенныя глаголы их. **Стих:** Небеса поведуют славу Божию, творение же руку Его возвещает твердь.

Апостол: Деяний святых апостол, зачало 37, стихи 12–15 и зачало 39, стихи 1–4.

Аллилуия, глас 1: Исповедят Небеса чудеса Твоя, Господи, ибо истину Твою в Церкви святых. **Стих:** Бог прославляемь в совете святых.

Причастен: Никтоже может прийти ко Мне, аще не Отец, пославый Мя, привлечет его, рече Господь.

Величание: Величаем тя, / блаженная и равноапостольная княгине Ольго, / и чтим святую память твою, / идолы поправшую / и многия люди российския // святым Крещением просветившую.

Ино величание: Величаем тя, / святая равноапостольная княгине Ольго, / яко зарю утреннюю в земли нашей возсиявшую / и свет веры Православных народу своему // предвозвестившую.